

Minister Benny Sevinger:

"Cu construccion di prome MFA ta continua cu vision di infraestructura pa nos hendenan"

Noord tin hopi cos bon na caminda

PROYECTONAN di infraestructura cu ta crea miho espacio nan publico ta continua cu Gabinete Mike Eman II; y construccion di Facilidatnan Multifuncional (MFA) ta forma parti di e plan aki. Pesey mes Minister di Infraestructura Benny Sevinger, tin un papel importante y su firma tambe a bay riba e documentonan cu Gobierno, Stichting Onroerend Goed Aruba (SOGA) y contratista Bohama Aruba N.V. a firma ayera. Pa Minister Sevinger, e construccion di e prome

di cinco MFA rond di Aruba ta significa cu Gobierno por trece su servicionan mas cerca di e ciudadano, y na mesun momento ta crea espacionan di recreacion y contacto social den e bario. E Facilidat Multifuncional ta djis un di e proyectonan grandi cu Gabinete Mike Eman tin destina pa e pueblo di Noord. Na dje ta suma construccion di un compleho educativo pa enseñanza secundario, sin laga afo tur loke a wordo haci caba manera renobacion di scolnan, via nan publico y asistencia

na clubnan deportivo. E masterplan di Ringweg 3, conoci como Watty Vos Boulevard tambe ta yega Noord tanto for di caminda di Tanki Flip como na e area di hotelnan. Den e diseño di cada MFA a tene cuenta pa inclui su debido infraestructura. A percursa pa tin suficiente luga di parkeo, acceso pa personanan cu discapacidad, conexion cu edificionan rond di dje y cu tin suficiente areanan berde cu sombra pa cana y topa cu bisñanan. Tur esaki ta cuadra cu e vision di Gabinete

Mike Eman I caminda ta traha infraestructura no pa auto so transita, pero principalmente pa hende tambe por disfruta di dje. Durante e conferencia di prensa, Minister Sevinger a trece e puntonan aki dilanti, indicando tambe cu DIMAS, cual ta cay bou di su responsabilidad den e Ministerio di Integracion, tambe lo por yega mas cerca di su clientenan dor di haci uzo di e facilidad di e MFA den Noord, Paradera, Santa Cruz, Savaneta y San Nicolas. Pa loke ta e

mueblenan y ekipo necesario, e Minister a comenta cu ya caba cada Hulpbestuurkantoor tin su inventario y ta djis cuestion di muda esakinan, pero loke mester bin acerca, Gobierno ta percursa p'e. Algo cu tambe ta cay bou di responsabilidad di Minister Sevinger y su InfraTeam ta e supervision di e trabou cu e contratista lo haci. Ya caba for di prome instante, e ta encurashar Bohama Aruba N.V. pa keda cla na tempo of te hasta prome, si ta posibel.

Minister Juan David Yrausquin:

"Ta trahando riba maneranan pa MFAnan cubri parti di nan mesun gasto"

f Like us on Facebook
fb.com/KFCAruba



NEW!
DOUBLE CRUNCH
BURGER

Afl 5.95

MAKE IT A COMBO
Afl 3,-



TWO CRISPY STRIPS



KFC®, Colonel Sanders' Images and related Marks are trademarks owned by KFC © 2013 KFC, all rights reserved.
As long as stock last.

COMO Minister di Finanzas, Juan David Yrausquin ta wak den e acuerdo cu Stichting Onroerend Goed Aruba (SOGA), un situacion positivo caminda Gobierno ta aporta na e bon inversion di fondonan di APFA y caha di Gobierno ta ricibi entrada mientras cu e construccion di tur cinco Facilidat Multifuncional rond Aruba ta den construccion. Despues di esey, ya Gabinete Mike Eman a pensa riba e posibilidadnan pa crea un sistema caminda e edificio mes ta paga pa parti di su gastonan di operacion. Minister Yrausquin a splica cu SOGA ta realizando den e proyecto di Facilidatnan Multifuncional (MFA) un inversion total di 22.8 milyon Florin. Nan ta percursa pa e proceso di construccion y mantencion, mescos cu e ta caso cu otro edificionan manera SIAD na Camacuri y DIP/DOW na Wayaca. "Asina APFA tin caminda pa inverti su fondonan y Gobierno por contribui na dje," Minister Yrausquin a splica. Ta e intencion di Gobierno di Aruba y sigur di Minister Yrausquin pa cubri e suma di huur pa medio di e entrada for di transaccionnan cu ta wordo haci na e propio Facilidat Multifuncional. Manera a keda menciona anteriormente, e idea ta cu na cada MFA departamentonan publico manera Censo, Belasting y instancianan manera AZV y FCCA por tin un espacio pa atende publico. Companianan di Utilidad ya caba tin acuerdonan haci, mescos cu ta ainda den un Hulpbestuurkantoor. E Minister di Finanzas a bisa: "Sea e departamento, servicio of compania tin un presencia fisico pa atende nan cliente, of ta permiti acceso na personal di MFA den nan sistema pa asina por procesa nan operacion di cobranza, etc." Algun punto ta fiha caba mientras cu otro tin espacio pa introduci ainda. Por tin otro servicionan di sector priva cu ta bin acerca y "na final di dia e ciudadano ta esun cu tin un forma mas facil pa ricibi e servicio cu e tin necesidad p'e." Adicionalmente cada diseño di MFA, haci pa arkitectonan local, a tene cuenta cu aspectonan di sostenibilidad y eficiencia den consumo di energia. Tambe e Sr. Yrausquin a expresa su satisfaccion di tende cu bario di Noord ta esun cu a haya e primicia a tin e prome edificio di MFA y cu e personanan cu lo ta encarga cu su maneho y direccion ta hendenan di e bario tambe cu conoce e necesidadnan di e bario. Facilidatnan Multifuncional ta reemplaza loke tabata conoce te aworaki como Hulpbestuurkantoor den cada distrito, pero cu un gama mas amplio di servicio y beneficianan pa comunidad. Nan lo ta habri for di mainta te anochi y lo ofrece espacionan tanto paden como pafo destina na encuentro social y recreacion.